

INTERVJU Izbor direktora Antikorupcione agencije BiH

Živković sve ispitivao, Tihčić nije ni došao

Iznijeli svoju viziju rada Agencije • Rezultati iduće sedmice

Državna parlamentarna komisija za izbor i praćenje rada Agencije za borbu protiv korupcije jučer je završila intervjue sa 15 kandidata za direktora i zamjenike prvog čovjeka te institucije. Intervjui su trajali od deset minuta do pola sata.

Uloga direktora

Svaki kandidat iznio je svoju viziju uloge Agencije, načina rukovođenja i rada. Bilo je nekoliko pitanja članova Komisije o tome šta je kandidate ponukalo da se prijave na ovu poziciju te koliko se

Imena kandidata

Jučer je intervjuirano 15 kandidata koji su ispunili uvjete. To su Izet Nizam, Zoran Đerić, Milanko Renovica, Sead Lisak, Radoje Badnjar, Jasmin Jaganjac,

Sreto Pekić, Ramiz Huremagić, Blanka Benković, Dragan Slipac, Vukašin Crnjak, Smajo Sarić, Milan Krulj, Damir Veljo i Nermin Mrkaljević.

smatraju sposobnim za obavljanje te funkcije.

Svi članovi Komisije, osim Sulejmana Tihčića, prisustvovali su ispitivanju kandidata i pokazali zainteresiranost da čuju viziju

vođenja Agencije koja će se boriti protiv korupcije u BiH, a najstrožiji ispitivač bio je predsjednik Komisije Milorad Živković.

Članica Komisije Dušanka Majkić izjavila je novinarima da neki kandidati imaju krivične prijave.

- SIPA je otkrila da određeni broj kandidata ima potvrđene ili nepotvrđene krivične prijave. Imaju packe u svojoj karijeri koje ih, na neki način, diskvalifikuju ako se dokaže da je to tako - rekla je Majkić, javila je Srna.

Ocjene iduće srijede

Predviđeno je da do iduće srijede budu poznate pojedinačne ocjene za svakog kandidata, nakon čega će zajednički prijedlog biti upućen u parlamentarnu proceduru.

Jedan od kandidata, Sead Lisak, potvrdio je novinarima nakon intervjua da je dostavio odluku Tužilaštva o stavljanju van snage privatne krivične prijave zbog nedostatka dokaza. On je precizirao da je riječ o prijavi iz 2007. godine, kada je bio vršilac dužnosti direktora SIPA-e, a odnosi se na proceduru unapređenja policijskih službenika.

S. R.



Čekanje na intervju: Dobra atmosfera među kandidatima

Dogovoreni naredni koraci za jablaničko preduzeće

Vlada HNK imenuje upravu „Granita“

Novoimenovani v. d. direktora podnijet će zahtjev za obustavu stečaja

Nakon što je 67 posto kapitala „Granita“ ponovo vraćeno u vlasništvo države, Kantonalno ministarstvo privrede predložit će na narednoj sjednici Vlade HNK nove upravljачke strukture ovog jablaničkog preduzeća.

Zaključeno je to jučer na sastanku predstavnika „Granita“ s kantonalnim premijerom i ministrom Srećkom Borasom i Esadom Humom i čelnicima Agencije za privatizaciju u HNK Alijom Tipurom i Mihajlom Butiganom.

- Imenovat ćemo ljude u Upravni odbor i vršioca dužnosti direktora na rok od 60 dana. Nakon toga će biti sazvana redovna skupština preduzeća, koja će birati odgovarajuća tijela - kazao je portparol Vlade Pero Pavlović.

Govoreći o stečajnom procesu u ovom preduzeću, Pavlović je rekao da će Kantonalna vlada imenovati v. d. direktora koji će, kao



Mostar: Pavlović i Šehić nakon sastanka

ovlašteni predstavnik firme, podnijeti zahtjev za obustavu stečaja.

Predstavnici radnika „Granita“ Vahid Šehić i Mensud Čosić kazali su da radnici žele pokrenuti pro-

izvodnju kako bi njihove porodice mogle preživjeti predstojeću zimu. Naveli su da je preduzeće zdravo i da je spremno obnoviti proizvodnju za sedam dana. A. Du.



Selimbegović: Nekadašnja Pećaninova klozetska krpa

Ličnost dana Vildana Selimbegović

Hilmin čistač

Prva u špaliru s glogovim kocem u ruci pred novinarima propalih „Dana“ stoji Vildana i još, kao slinu, otresa Ivana Lovrenovića

Kada gaće padnu, svi stanu u red. Takvu sudbinu upravo proživljavaju uposlenici propalog mafijaškog biltena „Dani“. Kapetan potonulog broda Senad Pećanin prvi je pobjegao s palube, a katul-ferman obezglavljennoj posadi donijela je nekadašnja Pećaninova klozetska krpa Vildana Selimbegović, koja je u međuvremenu prešla u ruke njegovog partnera i prijatelja, a sada novog zajedničkog gazde Hilme Selimovića.

Ko bi se tome nadao? Prva u špaliru s glogovim kocem u ruci pred novinarima „Dana“ stoji Vildana i još, kao slinu, otresa Ivana Lovrenovića, gurua cijele te reketaške generacije koja je odrasla na samomrznji, islamofobiji i najprljavijim podmetanjima političkim i ideološkim neistomišljenicima.

O čemu će sada i gdje pisati rundavi novinarski zamorčić Eldin Hadžović, ili Gašijeva glasnogovornica Dženana Karup, i kako će njih dvoje liječiti svoje provincijske komplekse i duhovnu impotenciju? Možda da se vrte svom izvornom zanimanju, ili da, dok čekaju novi

raspored, prodaju gazdinu vodu na Torabijevim seansama.

Uostalom, za osvjeđenog privatizacijskog otimača, pivara i bivšeg seoskog milicionera Hilmu Selimovića, i Hadžović i Pećanin i Lovrenović i Selimbegovićeva samo su obično novinarsko roblje, potkupljivi ljudski šljam koji služi za jednokratnu upotrebu. Neobrazovan, ohol i grabljiv kakav jeste, on ne pravi nikakvu razliku između njih i pivskih flaša, što mu se i ne može zamjeriti, jer ni većina poštenih ljudi u ovoj zemlji tu razliku ne vidi.

Vildanina jedina prednost i tajna opstanka je što se do sada pokazala kao dobar čistač terena nakon mafijaških egzekucija koje se, po Hilminom nalogu, provode na stranicama pivarskog biltena koji uređuje.

Ali, i to joj je mizerna satisfakcija, jer je svjesna da u milosti ostaje ne zbog svoje novinarske profesionalnosti, nego zato što je prilagodljiva svakoj podlozi, što ima savitljivu kičmu i jak želudac koji može svariti čak i egzistencijalno uništenje svojih dojučerašnjih kolega i prijatelja.

F. MANDAL

Kostas Hristu sa bh. zvaničnicima

Dogovorena sjednica Fiskalnog vijeća BiH i delegacije MMF-a

Predsjedavajući Vijeća ministara BiH Nikola Špirić razgovarao je jučer u Sarajevu sa šefom Misije Međunarodnog monetarnog fonda (MMF) Kostasom Hristuom (Costas Christou) o ispunjavanju obaveza preuzetih na osnovu stand-by aranžmana i o nastavku provođenja strukturalnih reformi u BiH.

Na Špirićev prijedlog dogovoreno je da u utorak, 9. novembra, u Banjoj Luci bude održana sjednica Fiskalnog vijeća sa MMF-a misijom, koja će biti posvećena budžetskim okvirima za 2011. godinu, saopćeno je iz Vijeća ministara BiH, prenijela je Srna.

Hristu je jučer razgovarao i s mi-



Sarajevo: Sa sastanka

nistrom finansija i trezora BiH Draganom Vrankićem.

Delegacija MMF-a boravit će u BiH do 15. novembra i s predstavnicima vlasti u BiH razgovarati o četvrtom pregledu u okviru stand-by aranžmana.